

UGOVOR

o pružanju usluga distribucije informacije o dostupnosti sredstava za utopljavanje objekata putem pismenih pošiljki na adrese krajnjih korisnika – građana Kantona Sarajevo

zaključen u Sarajevu _____ 2018. godine

UGOVORNE STRANE:

1. Sarajevska regionalna razvojna agencija SERDA d.o.o. Sarajevo, ul. Kolodvorska 6, koju zastupa Ševkija Okerić, direktor, (u daljem tekstu Ugovorni organ)
2. „JP BH POŠTA“ d.o.o. Sarajevo, ul. Obala Kulina bana 8, kojeg zastupa, mr.sci. Mirsad Mujić, generalni direktor i supotpisnik izvršni direktor Sektora za poštanski promet mr.sci. Neziran Đogo, dipl.ing., (u daljem tekstu: Pružalac usluga),

I. PREDMET UGOVORA

Član 1.

Ovim Ugovorom Ugovorni organ naručuje, a Pružalac usluga se obavezuje da za potrebe Ugovornog organa realizira usluge distribucije informacije o dostupnosti sredstava za utopljavanje objekata putem pismenih pošiljki na adrese krajnjih korisnika – građana Kantona Sarajevo u skladu s Javnim pozivom/Tenderskom dokumentacijom.

Član 2.

Pružalac usluga se obavezuje da realizaciju usluge iz prethodnog člana izvrši u skladu s ovim Ugovorom, Projektnim zadatkom i Ponudom Pružaoca usluga broj: 01-13.73-14552-10/18 od 08.10.2018. godine, koji su u prilogu ovog Ugovora i čine njegov sastavni dio:

II. UGOVORNA CIJENA

Član 3.

Ugovorenu cijenu čine usluge iz člana 1. ovog ugovora, bez uračunatog PDV-a 10.000,00 KM (slovima: deset hiljada KM), a sa PDV-om 11.700,00 KM (slovima: jedanaest hiljada sedam stotina KM).

U ugovornu cijenu uračunati su svi pripadajući troškovi.

III. NAČIN PLAĆANJA

Član 4.

Plaćanje za usluge iz člana 1. ovog Ugovora će se izvršiti na sljedeći način:

- plaćanje putem transakcijskog računa pružaoca usluga broj: 1992400075354256 kod ŠSARKASSE Bank d.d. BiH,
- plaćanje pružaoca usluga će biti izvršeno na način:
- po izvršenoj usluzi i ovjernoj i dostavljenoj otpremnici te izdate fakture.
- rok plaćanja je 15 dana od izdavanja fakture.

IV. POČETAK, ROK ZAVRŠETKA I MODIFIKACIJA UGOVORA

Član 5.

Pružalac usluga će s pružanjem usluga predviđenih ovim Ugovorom početi danom zaključenja ovog ugovora.

Pružalac usluga se obavezuje da će zadatak koji je predmet ovog Ugovora završiti u roku od 50 dana od dana zaključenja ugovora.

Za svaku sedmicu zakašnjenja u realizaciji zadatka, Pružalac usluga se obavezuje da će, na ime ugovorne kazne, platiti Ugovornom organu **1%** vrijednosti Ugovora, s tim da tako obračunata ugovorna kazna ne može preći **5%** ukupne ugovorne cijene.

Modifikacija rokova i uvjeta ovog Ugovora, uključujući bilo koju modifikaciju Ugovora, Projektnog zadatka i opsega usluga, može biti sačinjena samo pismenim sporazumom između ugovornih strana.

V. OBAVEZE PRUŽAOCA USLUGA

Član 6.

Pružalac usluga će usluge koje su predmet ovog Ugovora, realizirati s potrebnom marljivošću, efikasnošću i ekonomičnošću, u skladu s općeprihvaćenim stručnim tehnikama i praksom za tu vrstu posla.

Ukoliko Pružalac usluga u toku realizacije zadatka ocijeni da se radi o nerentabilnom Projektnom zadatku, dužan je o tome upozoriti Ugovornog organa.

Član 7.

Pružalac usluga će zadatak realizirati u svemu prema Projektnom zadatku datom u Ponudi Pružaloca usluga .

VI. POVJERLJIVOST

Član 8.

Pružalac usluga, njegovi eventualni podizvršioc i njihovo osoblje ne mogu za vrijeme trajanja ovog Ugovora, kao i nakon prestanka njegovog važenja, objaviti ikakvu povjerljivu informaciju koja se odnosi na zadatak, ovaj Ugovor ili poslovanje Ugovornog organa, bez prethodne pismene saglasnosti Ugovornog organa.

VII. OBAVEZE UGOVORNOG ORGANA

Član 9.

Ugovorni organ je dužan:

- ukoliko bude imao bilo kakve primjedbe ili pritužbe na rad Pružaoca usluga, o tome odmah obavijestiti Pružaoca usluga.

VIII. PRAVO UGOVORNOG ORGANA DA PREKINE REALIZACIJU ZADATKA

Član 10.

Ukoliko Ugovorni organ ustanovi da neće dobiti rezultate kakve je očekivao, Ugovorni organ zadržava pravo da prekine dalju realizaciju zadatka, o čemu je dužan pismeno obavijestiti Pružaoca usluga.

U slučaju iz prethodnog stava Pružalac usluga ima pravo na naknadu samo onih troškova, koje je, prema obavezama predviđenim ovim Ugovorom, imao do faze prekida realizacije zadatka.

IX. VIŠA SILA

Član 11.

Za svrhe ovog Ugovora, pod višom silom podrazumijeva se događaj koji je izvan razumne kontrole bilo koje ugovorne strane i koji dotičnu stranu onemogućava u izvršenju svojih ugovornih obaveza.

Nemogućnost bilo koje ugovorne strane da ispuni bilo koju od svojih ugovornih obaveza neće se smatrati raskidom ugovora ili neispunjavanjem ugovorne obaveze, ukoliko se takva nemogućnost pojavi usljed djelovanja više sile, s tim da je ugovorna strana koja je pogođena takvim događajem:

- preduzela sve razumne mjere predostrožnosti, potrebnu pažnju i razumne alternativne mjere, kako bi izvršila svoje obaveze u rokovima i pod uvjetima iz ovog Ugovora,
- informirala drugu ugovornu stranu u roku 24 (dvadeset četiri) sata o pojavi takvog događaja i preduzetim mjerama na otklanjanju štetnih posljedica dejstva više sile.

X. RASKID UGOVORA OD UGOVORNOG ORGANA

Član 12.

Ugovorni organ može jednostrano raskinuti ovaj Ugovor, putem pismene obavijesti o raskidu upućene Pružaocu usluga, nakon nastanka bilo kojeg od sljedećih događaja:

- ako Pružalac usluga ne popravi grešku u izvršenju svojih ugovornih obaveza u roku 15 (petnaest) dana od dana naloga Ugovornog organa za ispravljanje greške ili u roku bilo kojeg daljnjeg perioda, kojeg Ugovorni organ može naknadno, pismeno odobriti;
- ako Pružalac usluga postane nesolventan, padne pod stečaj ili iz drugih sličnih razloga onemogućiti ili dovede u pitanje realizaciju Ugovora;

- ako, kao rezultat više sile, Pružalac usluga postane nesposoban za izvršenje ugovornih obaveza za period duži od 60 (šezdeset) dana;
- ako Pružalac usluga ne otkloni primjedbe ovlaštenog predstavnika za praćenje realizacije Ugovora ili drugog stručnog organa ili lica koje imenuje Ugovorni organ.

U slučaju iz prethodnog stava Ugovorni organ zadržava pravo na naknadu štete koju je pretrpio usljed raskida Ugovora krivicom Pružaoca usluga.

Otkazni rok za slučajeve iz prethodnog stava traje 15 dana od dana upućene pismene obavijesti o raskidu Ugovora.

U slučaju raskida Ugovora, Pružalac usluga je dužan bez odlaganja predati Ugovornom organu dokumentaciju u stepenu gotovosti na dan raskida Ugovora, a Ugovorni organ izmiriti do tada dospjele neizmirene obaveze prema Pružaocu usluga.

XI. RASKID UGOVORA OD PRUŽAOCA USLUGA

Član 13.

Pružalac usluga može jednostrano raskinuti ovaj Ugovor, putem pismene obavijesti o raskidu upućene Ugovornom organu, nakon nastanka bilo kojeg od sljedećih događaja:

- ako Ugovorni organ ne izmiri svoju obavezu isplate ugovorne cijene u roku od 30 dana od dana dospjeća;
- ako, kao rezultat više sile, ne bude u stanju izvršiti svoje ugovorne obaveze za period duži od 60 (šezdeset) dana.

Otkazni rok u slučaju jednostranog raskida Ugovora od Pružaoca usluga traje 30 dana od dana upućene pismene obavijesti o raskidu Ugovora.

U slučaju raskida Ugovora, Pružalac usluga je dužan bez odlaganja predati Ugovornom dokumentaciju u stepenu gotovosti na dan raskida Ugovora, a Ugovorni organ izmiriti do tada dospjele neizmirene obaveze prema Pružaocu usluga.

XII. RJEŠAVANJE SPOROVA

Član 14.

Ugovorne strane će uložiti maksimalne napore da sporazumno, u duhu dobrih poslovnih odnosa i uzajamnog povjerenja, riješe sve eventualne sporove koji se pojave u vezi s ovim Ugovorom ili njegovom interpretacijom.

U slučaju da se spor između ugovornih strana u vezi s ovim Ugovorom ne može sporazumno riješiti, spor će se povjeriti na rješavanje stvarno nadležnom sudu u Sarajevu.

XIII. TAKSE I DRUGE DAŽBINE

Član 15.

Sve poreze, takse, dažbine i druge troškove koji nastanu tokom realizacije ovog Ugovora, koji nisu uključeni u ugovornu cijenu, a predviđeni su važećim zakonima, snosi Pružalac usluga.

XIV. OBAVEZNOST PISMENE FORME

Član 16.

Sve izmjene ovog Ugovora mogu se vršiti isključivo i samo uz pismenu saglasnost ugovornih strana.

Član 17.

Ovlašteni predstavnici Ugovornih strana, putem kojih će se vršiti korespondencija po ovom Ugovoru u svim njegovim fazama i elementima su:

- Amir Vranjača, tel. 033 723 442, mail amirv@posta.ba
- Denijal Mušanović, tel. 033 723 436, mail denijalm@posta.ba
- Maja Lukić Grabovac, tel. 033 652 935, mail maja@serda.ba
- Faruk Cerić, tel. 033 652-935, mail faruk@serda.ba

XV. STUPANJE UGOVORA NA SNAGU

Član 18.

Ovaj Ugovor stupa na snagu danom potpisivanja od ovlaštenih lica ugovornih strana.

XVI. BROJ ORIGINALNIH PRIMJERAKA UGOVORA

Član 19.

Ovaj Ugovor sačinjen je u 4 (četiri) istovjetna originalna primjeraka, po 2 (dva) za svaku ugovornu stranu.

Za Ugovorni organ:

DIREKTOR

dr. Ševkija Okerić

Broj: UG-156/18
datum: 12.11.2018

Za Pružaoca usluga:

DIREKTOR

mr. sci. Mirsad Mujić

Supotpisnik

Izvršni direktor Sektora
za poštanski promet

mr. sci. Nežiran Đogo, dipl.ing

Broj: 01-13.60-37/19
datum: 31.01.2019